



05831

研堂詩晚藁卷一



素堂居士楊維坤作

孫 詩南

同校字

兩栖雲集

和淵明九日閒居 戊戌

佳辰不可負寸陰惜吾生翰墨亦無意况乃戀浮名晴
老雨復霽黃花眼為明清賞來舊侶諧時召新聲盛年
興難再不覺忘衰齡持螯且大嚼濁醪還亂傾祗任天
真樂安知世上榮巢許雖非倫孔顏有遐情局促轅下

研堂詩晚藁卷一

駒白首竟何成

次陶怨詩楚調悼虞山馬莘叟大令

鬼神事茫昧君胡獨不然分手令粵西屈指五六年忽
聞觸神死妄言疑聽偏痛子禍及身 傳聞以四郎君先
卒因燬神樹得疾 官累蕩

私田老母訃相繼 太夫人年九十餘後
七數日亦卒於家 遺居無一厘予悲淚如

雨永念不成眠榮悴本無常共當隨化遷如何百鍊人
韋佩遜於前凶悔起火烈功名信雲煙劇孟家無蹤燕

趙誰復賢

立春日感懷

此已亥十二月二十六日作也前以罹
大故久無詩句矣茲仍為思親破例焉

一陽生後雨頻頻臘日嚴寒雪又新不覺立春逢甲子
可憐堂上已無人

次淵明庚子五月都還阻風韻紀苦雨也

仲夏麥已刈方欲葺郊居土功難束濕荒穢蔓軒于羲
馭未崇朝萍翳起四隅縱橫老屋壞檻內成泥途慨然
念先塋新漲望南湖顧謂子姪輩莫令生計踈炊烟需
宿草斗儲當有餘拙守窮廬中蹙蹙何所如

其二

恒言行路難占候益微之傳聞齊魯地大雪十日期寒

研堂詩晚彙卷一

二

氣凌南來兵戈西去時從王驅義勇無才獨抱茲髭白
兼齒落老死復何辭酒興良已淡讀書還解疑

金陵寓齋誌感兼贈樊青若疊韻二首

有引

先大父大叅公以順治丙戌舉鄉薦時主會公樊
翁家翁得一夢有奇驗焉詳大父年譜中今康熙
庚子秋兒子顯來金陵僦寓蓮子營得陋室二間
既而予至詢其主人乃知為翁之子青若此卽其
故宅也屈指七十五年室邇人遐不勝今昔之感

云

夢貽闈卷確題名年譜遺文手澤新何意孫曾猶托此
七十年前舊主人

高士幽栖蓮子營家風點染任天真會公工寫生青
若今善山水臨池把

酒垂楊下髻鬢當年贈別人

望月橋弔古

橋以湘蘭妓得名其畔即明時舊院遺址今
為朱道人家有紫薇一株相傳湘蘭手植

秋光皎潔好盤桓緩步橋邊問所歡草偃空隄珠履散
香銷舊院錦衾寒紫薇花在郎誰對千葉蓮開客少看
何處笙歌聊入耳可能宛轉似湘蘭

相逢行

并書後

研堂詩晚囊卷一

三

五倫朋友古所敦魏裴耐久人稱難道阻神交是其變
傾蓋投契天生緣有客相逢石城市一見如舊中心憐
把襟沽茶慰我渴伸紙寫句推君先氣豪聲雄驚四座
舒腰鼓掌疑神仙窮而工詩自同志何論會合早晚間
但恨生長各異地千里命駕追前賢君不見翻雲覆雨
杜陵譏交情中道多棄捐

庚子秋眎兒子試於金陵將歸步市上鬻書畫處

竚觀有頃忽一人從旁叅論頗當年可半百餘短

衣若負戴狀語言爽塏精神矍鑠予怪問之曰某

寶應新進生來此觀場者也年已六十五歲矣見先生類知道者故殷勤左右予謝不敢因悉予鄉井曰某老而小遇聞賴陽羨某君拔出是知已也先生與同郡必知其人予曰吾杜門却掃久矣時俊罕識予鄉人亦有與君年相若而新雋興相似者某某盍往詰之其人曰唯唯別去行十數武復回顧趨就予曰某引古傾蓋之義願邀先生入茶肆少伸懷抱予輒從之其僕亦拉予從者欵洽細詢居止旣入肆坐定談笑若平生歡呼茶傭索紙

研堂詩晚彙卷一

四

筆書其得售卷尾所綴悲歌及利涉橋翫月出郭訪友諸作示予詞甚沉鬱鏗然有餘韻予亦示以望月橋弔古詩互加評點意氣旁若無人肆中觀者林立有取誦者亦不禁或曰兩君必素心人也予應之曰萍水耳旣遇知音遂無分畛畦人皆微笑似以爲詩狂臨別時各書姓氏居址互存且約以來年遊姑蘇道毘陵見訪予謂其人殆古所稱不羈之士歟與予同道同病故一見投分乃爾爲賦古調一章恐異日採稗者可作一段佳話又詳

記如此

其人姓相名
為炳字燮三

為璋兒三十戲作二首

田廬僅足王通願利濟常懷范老心
莫學兩兄苦耽睡
從今而立氣森森

比彼俱存加一樂

謂有生母

雖云獨子却佳兒
以孫戲汝洵跨

竈讀得翁書
優學醫

南邱草廬成詩以落之

廿載音容去未遙
結廬長伴在村郊
聊將終老為圖報
不用陳情自解嘲
種竹有懷冬出筍
培松敢望鶴來巢

研堂詩晚藁卷一

五

鬱蔥佳氣無奢願
歲歲添孫奉一殷

青墩看古梅

結伴郊行路未賒
衝寒乘興到山家
雲根輪囷上何年
種鐵榦離奇幾地遮
鄧尉繁柯難獨擅
韓園茂草豈堪
誇尋芳盡道花時好
此樹何須待著花

辛丑正月八日顥抱燦子為嗣命名詩南賦此

誌喜

是日
立春

移栽玉樹可干霄
春氣初萌分外饒
今日立孫方慰祖
由來生子重承祧
註經別院綿先澤

註經堂大叅公舊第也
其旁齋今為顥兒所居

留

硯餘香望後標還讀齋頭詩易在曉窻花發試啼嬌
次淵明辛丑七月赴假江陵夜行韻用紀久旱
兼有向平之累從別墅歸故廬也

卜築踰半載高飛羨鴻冥田疇有深味晴雨悉農情昊
天胡不惠良苗曠如荆桔棹徹終宵雲霓無點生鉞鉞
暴風起熒熒星漢明川澮勢將竭原隰怨不平何堪家
累至言旋復促征稼穡知艱難無力愧躬耕治生猶不
贍况敢他願縈采采君子花攜歸非釣名

東田別墅成因題一律

研堂詩晚藁卷一

六

東郊十里小橋東邱壑天然一畝宮不是逃名學巢父
却緣吾志在幽風種成桑棗鄉鄰共育得禽魚造化同
從此百年聊自樂那將苗緒挂胸中

別墅即事四首

雪墅尋春

東望晴煙起依稀見萬家誰歟披鶴氅半是響鑼車社
客沉新酒山僧誑早茶春從何處覓溪上逗梅花

江村踏月

野曠清光遍留連未忍拋秋如春共好宵與晝幾清兔

起謀探窟烏啼欲動巢詩成衝口出不用費推敲

土橋觀魚

徙倚綠陰邊聯翩不艤船波中人恐後壁上我居先縱
棹餐朝露充囊走暮煙非無得魚羨肯被網羅纏

桑墩看穫

種植古遺意登臨亦在茲歡聲動喜色一盼饜三時許
況非吾侶陶潛是我師躬耕不爲恥惟笑去官遲

次淵明和劉柴桑韻答潘長卿

長卿金沙人南村先生子也昔年流寓雲溪別

踰十載矣忽於途次相遇立談半晌別去明日過我兼惠二詩感其不忘舊好作此答之

研堂詩晚藁卷一

七

三徑久不掃爲君復躊躇途遇言未盡惠然來我居問
我今何爲告以治田廬東郊十里外竊比逍遙墟椽桷
移舊物恒產有新畬教子知艱難課奴習勤劬君家在
南村此況亦同無聲名良可慕生計類多疎粟帛自求
給外此更何須吾道以拙存皇皇將焉如

次酬劉柴桑韻再答長卿

君年七十九吾將花甲周海鶴尚多姿蒲柳已先秋慰
君歸故鄉勉我服先疇相逢須盡醉後會能期不指點
東田路乘興當來遊

今古同生歌為呂梧坪

憶昔吾年剛四十潞國同生吟共叶君今五十為君吟
同生却見香山集大曆壬子三人生白公有感崔劉及

樂天花前有感詩何事同生
壬子歲老於崔相及劉郎

當時為相與為郎呂子今生賜錦堂

相門出相應須貴胡事窮經在海邦

時梧坪
客海昌

與君酌酒年

年慶榮枯早晚曾何定綠蓑煙雨自怡情世上絲綸原
執柄笑殺東田戴笠人亦耕亦讀任沉淪浪說同文小
丙午何似同裴雌甲辰君才堪作大傳種定是香山一
後身

研堂詩晚堂卷一

八

送沈天申倅南豐

蘿枝締好憶相逢

昔年同
客都下

三十年來蹭蹬同顧我修髯半

霜雪憐君羸馬飽塵風人情流水才空負天運循環道
豈窮不為遷官慕榮利喜今得問曾南豐

幼子晬日

臘日暄和好聚哺觀兒試晬樂桑榆聽啼輒許真英物
學語行教勝老夫漫喜從今好紙筆敢誇惟爾識之無
麒麟叶夢何年事待得成人白髮枯

次淵明歲暮和張常侍韻首紀時變其中感事

錯舉未則追懷陳西林董叔魚二故友以昔年
同子有歲暮雜感之作也

陽生陰未濟水涸無動泉

十一月令
水泉動

歲暮百憂集狂夫獨清

言餽遺良可絕送詩不嫌繁

歐陽公除夕著人送詩宛陵其夫人曰此
時那有閑工夫送什麼詩去人家廳闌

官租勉償畢私逋期尚愆方起辦炊黍奄忽景沉山稚
子忻師歸索居遲友還懽飲尚文字豈為聲色纏傷哉
達夫句霜髻又更年緬懷在疇昔人琴儼化遷古調久
不聞拂牀深憮然

挽黃毅亭

研堂詩晚囊卷一

九

三世知交九十年

尊人爾復先生
與先大父同硯

故人高誼尚雲天文章析

義忘行輩

嘗以制義
屬予評論

花酒陶情廢寢眠每歎龍頭猶矍鑠

何圖箕尾已翩躚飛揚未了平生志堪使英雄盡淚漣

辛丑除夜

門紙揭開猶未換

俗例制中以素紙糊門神
予服闋未經改歲故云

癡歎須賣不容徐

顛壕兩
兒久病

常年除舊尋常套今夜更新却是除

壬寅元旦

龍飛花甲重開曆人樂康衢又一年容我放歌山澤裏
飽餐晏起不求錢

重過邵氏青門草堂撫今追昔率成一章留贈
主人次馮

江南文傑出漳湟載酒曾過醉草堂

憶戊寅秋乞序於青門翁

藪架依然

書卷富雜林到處姓名香通門孔李逾同氣締好朱陳

恰一方

子少女字次馮子近治別墅距漳湟不遠

二十五年風月夢扁舟來往自今

長

暮春攜塔薛申過別墅看竹

撥弄蒼光惜寸金新栽綠竹可成林滋培頗費奴丁力

茂對休辜天地心遠岫風來吟萬籟空庭月落影千尋

研堂詩晚夢卷一

十

低徊淇澳三章義學道工夫磨琢深

古跡二首

李公祠

勝國有賢守構亭名精微闡真翕然尊肖像繫去思俎

豆幾多年觀稼繼來茲賓僚勝遊覽雲外呈參差庀材

凡屢更廢興非關時表章惟其人鬼域終何辭

事見趙恭毅藥案略存

曠代得同姓配享或庶幾

謂近日景州李公

海氏墓

云云碧水環一邱草蕪沒緬彼邱中人芙蓉歛成鐵紉

禪殉中宵我心矢
曠日綱常獨在茲
徽音邈難絜東門
女如雲妍媸兩兩
聒

弔海烈婦三首

蘭陵河畔表貞名
慷慨於今氣若生
任爾長流水無定
不流金鐵女豪情
縫衣先見超男子
一語難通勝却金
舉似君家忠介老
鬚眉巾幗一般心

失足英雄笑李陵
孤恩負德亦徒論
淮南客婦只一死
愧殺千秋事二人

研堂詩晚囊卷一

十一

僧龔菊

以下二首
和呂梧坪

何年初祖手持來
不染緇塵近綠苔
踏破千山偏色相
儘教落帽盡餘杯

蝴蝶花

穿花何似作去花
身低擺輕風別一
羣恰襯花王分富
貴漆園夢幻不如
君

六月二十四日
第四孫麟昌生用
昔年戲祝荷

花誕韻為燦兒誌喜

池上遊行溽暑天
生兒有喜恰觀蓮
夢回熊兆陰陽轉

前女孫 歸應麟鳴骨肉圓 是年燦歸籍麟雄鳴

止酒阿翁猶好

學 近作課孫 小品數首 長齋渠父謾逃禪 燦以病不如葷 已六七載矣 想緣天亦憐君

子花始繁生人始年

附 和韻

顥

阿買初生近爽天芝蘭氣馥和紅蓮未看虎子搖牙

銳早識麟兒摩頂圓繡祿却欣依繡佛通儒還覺勝

通禪春秋瞬息垂髫日衣綵追隨祝大年

七月某日第五孫鳳昌生

此與下首皆預擬之作已而曠生女存之以期後日

雙蓮節後又添丁 雙蓮即雙星節七夕也本女紅餘志 第五倫生應太平得巧

研堂詩晚集卷一

十一

偏翻髯老願充耘猶是玉川情阿兄就傳方宜弟大母

勞心勝所生 山妻愛暉如已 出故井及其子 麟鳳排肩須記取遭逢敢望彼

岡鳴

按左傳懿氏卜妻敬仲其妻占之曰吉是謂鳳凰于飛和鳴錡錡有嬀之後將育于姜五世其昌並于正卿八世之後莫之與京又史記田敬仲完世家敬仲之如齊以陳氏為田氏後漢書第五倫傳其先齊諸田諸田徙園陵者多故以次第為氏據此第五倫實陳敬仲之苗裔也今取名鳳昌義本敬仲而起聯適用第五倫不恰合其源流乎因附載於此

疊前韻戲與燦暉兩兒

笑說駑駘生驥子星辰何必問君平暗旋卦氣臨兼泰

六七月於卦為漸 否其對特則臨泰也 夙種靈根性與情巧合鳳麟應出類不分

仲叔似孿生他年鐘呂明堂奏豈屑秋蟲唧唧鳴

戲爲璋兒撥悶再疊前韻

生女何妨問太人熊蛇祥兆本均平長來裁褐多如願
嫁後歸寧轉稱情漫比朗兄輸韞妹也堪昭女賽班生
好將利市蘭湯換小犢明年又一鳴

澄江道中有感

年來高臥老江濱又送邯鄲學步人

時送少子觀場

木葉已垂珠

露重天香初放玉蟾新潮平兩岸纔容楫沙聚羣鷗不
避綸四十五年春夢杳曷勝惆悵往來頻

子年十三四時即來此就試今雖壁上觀

研堂詩晚彙卷一

十三

已近六旬矣

登迎秀墩折得精舍月紅花與兒二首

江流聳秀幾多年可有文章障百川二十一州齊過此

四郡凡若干州邑

賺他措大望神仙

秋高鵬鷲正聯翩攜幼登臨亦偶然偏是山僧圖利市
庭前月散綵紅妍

晤雲間王范之於暨陽爲予作素堂記并走筆

書之喜而賦此二首

江城疇昔狎齊盟聚散同愁白髮生句曲尋梅時促席

長橋踏月又分行壯懷髣髴凌秋扇老伴依稀傍曉更
三十年中風雨夢幾曾忘却歲寒情

何圖意氣尚如虹虎尾春冰道不窮總爲孔顏求素志
莫將耕釣足家風聞鐘欲起先零質拱壁常懷不朽功
況是揮毫成兩絕江湖廊廟寄鳴鴻

次淵明蜡日韻

壬寅十二月十
三日在別墅作

通蜡視年穀嗟哉時未和場圃無遺粒開戶惟雪花山
川實綿邈傳譌抑何多盡禮在國哀未敢發長歌

研堂詩晚藁卷二

素堂居士楊維坤作

孫

書謨
詩南

同校字

碧天池上集

和淵明癸卯始春懷古田舍二首

志伊兼學顏有約未能踐辟世從沮溺徒與亦誰免背
城蝸牛舍鼓棹詎云緬梅柳抽青條東風吹面善於此
陶天真地偏心愈遠寒去暑復來不憚時往返獨坐竹
深處所得良非淺

研堂詩晚藁卷二

其二

貧也非爲病學病乃真貧既耕還且讀人生在習勤有
時亦息游偕游童冠人嘉肴無逾菜索酒不嫌新雜還
樹下列醅顏共欣欣歌呼任舞蹈那知要路津釣意不
在魚水清吾德鄰盤礴碧天池長作無懷民

和淵明移居二首示麗照夢嶽二幼子

攜幼入東田詎云廣新宅辟囂兼慮伎結念匪朝夕浮
名久絀羈形神徒爲役天地寬吾廬高枕祗一席肯構
亦虛期和氣宜視昔五世仍同居

先中丞時
五世同居

千箸何必析

讀書先識字學成乃賦詩帶經亦可鋤淡泊常安之諸
曷雖離羣彼此長懷思佩鷓須畏刺努力當及時他日
幸成名慎毋輕棄茲傭丁世臂指甘苦莫相欺

和陶詠二疏

孔孟當衰周道不行則去兩疏名已立早去同一趣難
進而易退中行非矯舉祿食二千石位至青宮傳解組
歸故鄉榮幸喧行路樂天知命人豈直身家顧親舊愜
離情忘機更誰譽陋彼營營者身後尚多務乾坤足牀
席風月諧吾素本分自空明何必逃禪悟雉識山梁時
鷗解海翁慮胡為千載來猶未察微著

和詠三良

君父死大義亂命不可遺從亂則兩失所傷豈其微作
俑尚不仁生殉情何私人臣抵重寶三良如敝帷陷父
殘已甚從君節亦虧黃鳥賦微辭其罪將安歸宣尼論
孝道以禮乃無違所以柳與蘇同心魏顆希嬖幸猶足
恤殲良深可悲凍筆書怨詩雪窻風吹衣

和詠荆軻

盟津誅獨夫六國讐孤羸養士本無方賤客皆可卿燕
丹得荆軻尊禮莫與京血濡縷試白衣冠送行奉上
圖頗辭令倚柱擬結纓謀事雖不就要亦人中英律以
春秋法竟與盜同聲顧猶善長者信友有田生君子庶
見原小人何夸驚遷腐非阿好刺客當去聲其名卓哉豫
讓賢擊衣震盈庭傳與軻等伍聲價減幾城漸離目已
矐鉛筑猶經營子房狙博浪一擊亦未成廢興數有定
焉能遽快情

和淵明連雨獨飲

研堂詩晚彙卷二

三

少日善使氣過酒輒譁然中歲漫結客醺醉何時閒
竭來十載餘少飲轉覺仙病機即所好倚伏非關天春寒
何以禦舍酒將誰先里閭不相聞朋儔無往還一杯業
在手陶然復忘年自酌還自笑衛武猶多言

元年正月補天穿節前後雨雪浹旬遣懷二首

老去春光擬問津重陰結靄鎖松筠誰言草莽多長策
自喜門庭少雜賓徑滑不除新蘚暈風尖惟仗舊醅醇
獨憐鄧尉梅花冷好鳥吞聲水面巡

雪花如掌鬢如銀光照顏容細比論力短有心難報國

年飢無物可探親補天妙手空煎餅釣海孤舟欲斷緡
報道儒門生宅相歸薛長女首舉一子好教長大助經綸

初夏寄懷金陵舊館人樊青若

三年有約未瓜期忽漫重來麥秀時時兒子應科新令賢關方

大關故人高義正相思池塘嫩葉依然透野徑飛花特

地遲珍重君家貽贈意錦囊什襲幾曾遺謂青若畫扇并其尊人會公畫冊

追悼族父爾義二首與子同九世祖其徙居金陵已五世

猶痛吾家一丈夫平生慷慨此間無橋邊叮囑初招切

憶去年秋試將歸叔來寓見訪款予利涉橋左臨岐屬云若再至定過予居無他適也野外秋歎末識符九年閏凡五

研堂詩聽集卷二 四

度晤別最後庚寅正月遠送郭外鳴咽揮淚似不得再晤者卯秋至省叔已奄逝一暮排難仲連應不讓輕財劇

孟更何殊那知天運將申落人傑先領髮未枯辛年纔四十六

蒼翁報善是耶非似續成虛計轉違叔有子而殤曾與子按譜議嗣臨歿立再從姪某不料此

子與母不睦竟解去空館無聲堪澹歎一坏何日得安歸比年停櫬蕭寺誰人

還憶酒壚約有女終難祭器依生死十年音漸杳夢魂

徒逐白雲飛

東在省同學兄弟

鷺鳥不啼春已過光風猶愴夏初旬雨花臺畔尋花處

遮莫高吟少一人

次淵明五月旦和戴韻紀事

長轡已稅駕端居守固窮時節隨風土吾亦喜天中點
燈聊獻誠神會胡過豐競渡甫入水旗幟搖薰風門子
勉康莊試場草草終聚首樂天倫聯袂攜稚冲欣聞尊
孔親

近有詔追尊
啓聖以上五代

道隆入自隆絜軌唐虞聖夔哉岱與嵩

次淵明示周祖謝三郎韻與所知

我從歸東田榮利無所欣但恐同聲友終作籠中人京
邑非阻絕書問久無因何時念巖穴翩然乘風臻深談
微昏曉新知勝舊聞于役靡已時纂述徒勤勤不如來

研堂詩晚彙卷二

五

種秫與我長結鄰即此敦交道高蹤二海濱

碧天池上小閣告成偕二三友朋暨兒孫輩避

暑賞荷以天池兩韻賦長句索和

豈必西湖好避炎臨流小構自悠然數株偃柳迎風拂
幾樹高梧引月懸解渴香泉呼急就開襟盤礴坐從權
莫言有葉盈眸碧水色波光共一天

四時風景最憐伊長晝如年勝賞宜竹為主人能挽客
蓮稱君子信堪師趁涼浥露披衣早忘倦深杯藉枕遲
少長同羣無限樂何須多羨習家池

苦熱三首

祝融何事太無情半月炎威尚未平豈是人心熱不解
還須幾陣伯夸清

蛙藏亂草寂無形蟬噪深林不暫停赤腳層冰何足異
夜分猶苦睡還醒

田家苦極欲無生桔槔聲聲怨月明水閣涼亭誰饜足
浪思列子御風行

蓮

清姿濯濯出塵沙色相非關人力加前生西域聖人國

研堂詩晚藁卷二

六

今現東田處士家

六月十九日採蓮送入邑居爲大士瓶供

碧天池上採蓮花馳奉蓮臺綴彩霞此日道成疑有意
遍教火地散天葩

六月廿四日麟孫晬日仍用上年誌喜韻

羣生長養景風天爲爾生辰不折蓮莖縷疑爲命縷續
盤珠何似掌珠圓仁慈家法追麟趾保佑天功豈野禪
別墅遄歸胡太喜看花老眼又經年

賦得夏雲多奇峰

氣結天章萬象重豐隆巧借五丁庸亡何出岫翻成岫
會見從龍更起龍遙望鬱蔥疑有樹細看層折訝無蹤
留茲好景銷長日未許金風驟改容

家蓄閩蘭二盞五載前奇寒摧隕僅存根
茲比年敷葉漸還舊觀今夏始發數花喜而有作二

首

闌邊依舊靚芳顏小往今朝幸大還自昔蘭蓀比孫子
懸知天運有循環

誰言物少徒矜貴却愛香多迴出塵澹泊長生空谷好

研堂詩晚囊卷二

七

不爭金谷一時春

中秋夕家讌

一片清光照眼前兒孫列坐不虛筵今宵共說團圓話
往事經懷四十年

予自十六應科後中秋多不在舍故云

滿碟鱸蓴諳老性堆盤

梨栗慰童涎不知萬里同晴處幾箇天倫一樣圓

喜外孫元郎來見即用元字韻二首

雙瞳炯炯不猶人有美由來出德門七葉科名何足異

忤權大節付臯孫

薛方山先生七世孫

元年元夜產陽元

魏舒字

風韻天然豈似袁

用沈約語

恰遇吾家新

築室能成宅相被人喧

癸卯九月霜降日東田觀穫次淵明下溼田舍
穫與西田穫早稻兩首韻 有序

淵明詩題甲子者凡九篇共十一首予初意欲循
歲次依聲以作紀年自庚子五月至今歲始春幾
及其半而遙數丙辰則予年當七十有一神與年
耗未審屆期尚能搦管否故預拈丙辰八月下溼
韻并及庚戌九月西田韻連類和之而撫時感事
亦概見其中矣

研堂詩晚彙卷三

八

菟裘營老計有廬城東隈藉與田父親同稼滿襟懷白
問入世難剛拙寡所諧稚子便呼應客至具黍雞撫景
動悽愴丙舍輕舸迴 時子有事祖塋吠犬望燭亂啼烏感風哀黃
菊願未饜楓林眼乍開歷落布霜鎌聲折如醉顏治生
首明農晚節詎爲乖旱魃三歲虐衡門何以棲

農家四序中愁緒累百端所幸西成足庶幾一時安雨
膏苟乘順誰能袖手觀絲穀搜已竭稱貸刻期還驕陽
餘積威霜降猶未寒聊且試銍艾耕犁復慮難天心艱
人事籌專不可干耳聞疑詐說萬目感吾顏食 去聲人與

人食

上全

休戚一體關未敢告司牧中夜起長歎

平聲

懷山右少叅公後人次淵明癸卯十二月與從

弟敬遠韻

有序

少叅美中公於子為族父居山西聞喜邑少宰地
一公次君也地一公與先大父同進士榜且同出
宛平章公門下契合直如同父洎公與其兄太守
仙萼公與予伯父岱麓公先君京郎相遇家居往
來兩世親暱聯以心非以譜也歲丁卯公以分守
廬鳳來江南逢人即訪伯父家君越二載移節京

研堂詩晚棗卷二

九

口轄江常鎮三郡甫至即遣使通問時伯父已逝
予父子以遠嫌故不敢輒進謁而公以公事至郡
枉駕蓬門與家君話舊談心坐次稱謂仍以兄弟
不以行部易也樽酒間從兄某與予侍坐而予特
垂公睽謂毋遐棄儻他日過鎮行家人禮毋過卑
下為外人笑也以故子癸酉北行請見東歸又見
乙亥又北去又歸壘見入則攜手出必送戟門外
而公每歲勾稽郡庫又攝蘇藩篆時時過舍晉接
坦夷并逾叔姪常格然子卒體公心且自愛一無

于請丙子四月忽接公訃奔赴署內喪次哭之慟
有子一人名廷珩方十四齡予揭其冠武眎之又
哭之慟廷珩與其從兄廷瓏字鳴珩奉喪西歸迄今二
十有八年予亦倦游杜門彼此兩無音問感舊懷
人爲作是詩

猗與我族父古道真卓絕戟門高重重予來不深閱天
名條騎箕一子麻衣雪奄忽三十年江水留清潔解宇
付他人俎豆江山設相將在遠道哭泣誰解悅屈指當
強仕昂首承先烈或者夙良緣重來建旄節鍵戶本自
好老醜應更拙追痛推所親會難轉惜別

研堂詩晚彙卷三

十

冬日

讀紫陽詩見此
題因廣其意

歲餘偏好讀危坐起傍徨檐滴增寒雨窻移暫暖暘披
裘嫌力薄酌酒冀心忘堪歎無衣者踉蹌涉水忙

十一月二日白田相澹圃過訪途中有詩見懷

次韻酬贈

幾度招招野外航夢回寒峭泥去聲茅堂忽來剝啄消風

雨漫道雲山隔渺茫把酒話殘燈火夜論詩月墮薜蘿
牆且拚熟醉渾忘倦羸得幽思餒渴腸

次韻酬澹圃留別之作

闌寂柴門少足音多君獨愛白雲深四年離索山陰駕
千古纏綿水畔琴雪在句中思入畫花生筆底錦爲心
從今兩地推詩伯江北江南盡盍簪

生朝自壽

效紫陽壽母
體并用其韻

一陽將生銷寒涼兒孫置酒齊升堂勸我此後圖身康
切莫延攬結四方暄和散步風潛藏三徑松菊粗未荒
歲歉丁多竈欠煬略具澤繪進一觴老人幸恕非瓊漿
笑謂汝曹貧且忘菜根菽水都無傷人生聚散曾何常

研堂詩晚彙卷二

十一

海內兄弟胡分疆惟願不棄吾性剛斗酒若罄問汝孃
邇日庭桂猶呈祥良辰佳興究誰與還須我友同相佯

聞鴈

嘹唳過前川宿食不知處紛紛風雪中猶向渚南去

邨居臥雪二首

夢回窻紙十分明老婢傳言雪壓荆却怪月移人靜後
玉鋪檐瓦絕無聲

漠漠水禽渾不見蕭蕭殘荻復生花誰歟解得山中意
徑斷還來訪戴家

春興 甲辰

手學羣孫斲廢書晴光淡洩興何如尋花已向春田路
愛樹還留舊芭居客至無嫌司馬僕身安奚羨令狐車

唐令狐綯名對禁中燭盡
帝以乘車金蓮炬送還

且將一醉謀軒 平聲見
廣韻 睡來日南溪好

釣魚

姑蘇紀遊 有引

甲辰二月八日入鄧尉山嗅梅爰題一律因遍歷
舊遊憶甲申秋有吳中攬勝三絕句忽忽二十載
矣景物依然雙鬢如許蓬窻無事并次舊韻寫懷

研堂詩晚囊卷二

三

春花錦繡眼看宜惟有梅香鼻觀知潭隔東西光一片

地名潭
東潭西

枝分南北氣無岐移栽石畔堪消茗摘向瓶中好

賦詩翻笑蘭生空谷遠採芳零落費人思

潛然不見老宗師接得遺編究本支 讀鶴山禪師語錄有辛
巳年為子說法一則 却

怪覓巢無定燕從人下上羽差池

吳山爛熳總春風景入王維詩畫中指點琴臺追勝蹟

蒼茫何處館娃宮

舟涸溪邊歎水哉 時值
水淺 知今平地盡崔嵬塵海廿年成底

事青山垂老又重來

三月二日雲間王范之來晤留榻五日談次知
張趾肇翰編逝世已一載餘矣不禁泣然賦此

誌慨

王君張君同丁酉我少兩君年有九訂交先後踰卅年
榮枯得失齊白首張君承明略展奇放棄山林杜門久
王君抱璞老鎖闥研硃點易尚如舊叶獨我浪跡傲煙
霞風帆花舉去時出走湖海蒼茫各一方別易會難心
莫剖子歆愛竹叩我廬雄辨懸河神抖擻相逢傾倒極
平生滿酌新醅剪春韭忽道張華已古人淚灑樽前顏
色愀造物無私却忌才幸得名成骨先朽晨星落落愴
離羣碩果猶存伴蒲柳人生自古有散場料到泉臺還
執手

種梅吟

人間春意誰先梅江左盛看宜半開和同不似大庾嶺
南枝北枝無徘徊乘興移來繞屋外掩映疎篁闌蒼檜
凡卉香色實難兼素艷清芬洵足貴豈惟桃李難爲鄰
荃蕙菌桂俱非倫離騷何事渾忘却想爲難名近聖神
古幹奇觀傳自昔成都清江兩擅絕他年此地鼎足春

花光長老畫不出

種竹吟

種竹常言須雨過土堅如鐵真無那逡巡且待竹迷時
嘯咏無資違坐臥子猷借居亦令栽東坡酷嗜勝肥腴
况我牽蘿新補屋護基舍此君誰哉滋培日久成淇澳
大者為椽兼釜屬多謝圃翁頌禱詞竹長龍孫孫似竹
虛堂萬籟響颼颼月明風清堪唱酬但得渭濱千畝竹
不願生封萬戶侯

種梧吟

研堂詩晚臺卷三

十四

龍門百尺高無枝植根得所斯稱奇幸生朝陽鳳棲穩
何待迂士寶愛之天地散材落巖谷駐屐摩挲憐幽獨
選來臨甃種三株膏澤青瑱極角鹿家藏倘恍文敏圖
子家舊有董文敏
三梧圖今已失去補出真景忽慰吾清標未許凡鳥宿蒙陰
試茗奚童呼斜月孤懸零露泥一葉皆秋幾見此老性
潔癖師雲林原無俗客何煩洗

種菊吟

世人愛菊托靖節寓物不留全未達東籬薄採見南山
菊中先生菊外逸諺訣三分四摘頭長鬚學種却自由

今年恰遇四月閏遲栽早綻心休休餐菊餘香何用早
落訓作始鑿非巧春花落瓣秋落蒂王歐饒舌一齊掃
漫云服此可得仙乘雲升天也徒然世間淡味乃其至
素堂敢述南軒言

次東坡松風亭下梅花韻

先生詩凡三疊末首中有先生
來年六十化之句知爲五十九

歲所作子今適當其年又別
墅新植梅數十本故賦是詩

黃土橋東灣裏村綠楊深處藏梅魂春盡絮飛愁寂寞
竹柏爲友荷爲昏結子纍纍堪止渴不用和羹垂空園
夏月禁肥秋伺蠹摩挲灌漑需冬溫先生執卷盤根坐
凝神內視丹府曠更參梅孰事佛法濟度願開甘露門
六十欠一未爲老逃紛養氣無多言今歲預謝稱壽客
來春寧備看平花樽

研堂詩晚憂卷二

十五

閒步北郭過某氏故廬有感

青山門外碧陰隈喜有書聲化市陲

內族子某
授經於此

潮水遠從

江上至午風微送堞邊來嘗茶徒倚綿情話曳杖徘徊

遇辯才

有客
利口

却憶當年冶遊地如何梁燕已驚回

近作
商館

效香山不准擬體二首

因課兒孫輒作時藝不輟爲此
自謔是歲子年實五十有九

數座閒齋共日長興來未肯認顏唐辭家遊岳平生願

新製漁巾喜欲狂，不准擬身年六十。用香山原句 誦詩幼子尚

扶牀

却悔當初酒放顛，暗侵腸病怕杯纏。眼花索鏡難離刻，齒落還兒未定天。不准擬身年六十，雕蟲伎倆更連篇。

憶池上次香山履道池上韻

邑居半月拋田舍，池上荷擎菊長無筍可供餐。思穉

此物吾地無之取
北屬對相敵耳

泉堪造酒賽麻姑，草亭缺鶴還須補。蘿徑

梅忍令蕪寄語彈冠躡屩客，分攜不用少躊躇。

偶過郡治疾趨傷足臥榻者累日自嘲二首

研堂詩晚囊卷二

十六

無端窘步召憂虞，只合長吟抱膝居。敢附淵明作同調，竟將疎放仗籃輿。

幾乎鑿齒廢於蹇，幸免平原笑甃人。北牕高臥今番穩，縱有蒲輪也怕迍。

時雨

是日端三值
夏至後二日

陽驕川竭經三載，半插新秧半輟耕。伏枕那知一足舞，時足疾未痊
戲用商羊事 凭窻喜聽萬鈺聲。送梅黥服情非過，競渡沉舟

政始平聞道句宣多德意，已回蒼昊愛蒼生。

詠暑月所需四物

茉莉花

溫柔鄉裏爾風流羅扇擎來枕畔收素手穿成珠煞鉤
首飾
俗名青絲紉就玉搔頭夜分破夢香魂繞曉起開奩淑氣

稠自是暑妝花第一首教院落等閒休

薄荷茶

解炎止渴有兼謀入口涼生此物尤氣散開襟何栩栩
味回停扇自颼颼先生七椀情猶欠措大一歌興未休
若令唐時早作貢值分陽羨雨前酬

芭蕉扇

靈苗兩兩偃層陰裁作團團當暑尋夢共鹿忘今在手
圖兼雪意果涼心堅於繭紙挨秋熱撲勝冰紈耐夜深
雅稱幽人松月下飄飄歸詠拂清襟

涼蒲鞋

陳橋巧製幾番更黃黑方員揀稱情椒眼鱗鱗渾見體
革跟橐橐漫聞聲睡回箕踞憑虛設浴罷拖行不倒迎
總使衣冠酷暑廢終難捐爾太狂生

山房觀白蓮

超然青紫外枯照佛燈紅猶有蜂來擾色空香未空

烈風行

甲辰七月十八更初風起達十九晝夜拔木壞屋禾盡偃瀕江海死漂流者無算蓋奇氣也乃紀之

皇媧闢世分職帥巽二乘權大塊噫鳥界切氣和通正昭休

徵風不鳴條占國泰昊天不惠無分明堯湯當陽百神

驚封姨溺職轉無賴悲號怒激狂焱生夸則律應何太

毒魔石殺林猛摧屋雷眩象履徹曉昏禾苗盡偃成平

陸傳聞海溢綿江干白浪湧立冰柱塞土囊一開洲嶼

滅爰居到處無人煙吁嗟氛祲不可測旱魃方殄菁蕙

殖江左苦旱已三年矣忽遭終暴輟西成空稔亂積去徒歎息金饑

木穰如環循胡為重困江南民羣獸死斲數雖定老麋

研堂詩晚囊卷二

六

哀請希天聽

九日東田卽事二首

霄漢本虛望登高咫尺間把書叅活水扶杖想深山黃

雀猶下上上聲白雲時往還兒童偏好弄捕物蹈潺湲

誰道秋高候霜威轉放暘楓林初染色稻礪間輸香訪

菊循途便攜樽遣興狂一年如再閏四月已閏可作兩重陽

為顛兒作雀角行吳天不惠無分明堯湯當陽百神

雀角雀角穿我屋鴟鴞取子無饜足可憐殺羽一啼烏

漂搖風雨何時宿

乙巳元旦口占自賀

春來強健勝春前多謝人呼作地仙却似山中無曆誌
不知生我是何年

人日紀事書懷三首

南極來游若有蹤清齋醑酒意春容一週甲子尋常事

人日元辰却僅逢

子以丙午十一月七日生今歲首七日恰值丙午
按之曆誌六十年中止一再見家人為子祀壽星

閒來買棹問春耕幼子童孫慰我情且勸齏風眉壽酒
不題李白少年行

倒看曆尾年居首

曆附紀年以
六十歲為尾

新劃城頭道已東

新令分設縣治予
更籍定安東鄉

研堂詩晚彙卷二

十九

欲試春衫遲日暖梅花早發萬香叢

上元夜次坡公韻

此韻乃公六十歲在惠州
州作子符其年故效之

我年纔六十飽看萬回燈侍祖鑑湖曲逢勝虎阜稜昨
夜南溪上浮屠製新興烘脂光燭天損工若鏤冰市哄
間清梵逐鬧却倩僧俱紀
實事興罷返邑居火樹又幾層今宵
正三五攜幼喜鬢鬢春酒取家釀何用沽蘭陵有壻頗
能飲傾醖不計升既醉我放歌飄飄欲飛騰

冒風別墅觀梅有作三首

園丁報道梅初放急棹來看蕊半含莫笑襄陽偏好事

風饕比雪更難堪

登岸忙趨索笑檐池邊一望白氍毹不須秉燭遲良夜
萬點星光照眼探

記得去年光福路蓬窻悶坐也多風薄醉且酬移植力
莫將好妒怨天公

韓友齋賞梅

禁用冰玉雪月
暗香疎影等字

花信初番息轉和晴曛釀出淡香多砌邊鬕叟紉蒼佩
牆外龍孫襯綠蓑冷艷豈堪蜂蝶藪靚妝偏稱薜蘿阿
一杯酌汝還相笑世上誰登幽素科

研堂詩晚叢卷二

辛

二月七日添孫

燦出

數年麟鳳成虛願

燦生麟昌已殤暉
未遂鳳昌之望

今日分春氣鬱蔥

恰值
春分

家有訣安然壽喜殺平頭六十翁

二月九日夢嶽就傳戲作

新衣齊效爾尤強覓得新書喜更狂昨歲已知千百字
料能不費老師腸

次淵明乙巳三月韻作遣懷詩

艾年檢和章列屏銷架積荏苒十載過嚶鳴寂非昔錦
鞵被平捷足翠幃棄倦翮眼底類如斯豈必雲泥隔人

生草木同形神罷平百役壁塵封蜀琴牀頭枕周易指
使尠可人幼稚未忍析誰歟知我心蒼徑有九柏

題春雨堂并書後

春雨流根本舊聞南邱拱木我思存只今燕子巢營穩
愧昔烏雞哺欠勤養志何妨隔城郭承家自可壓人羣
好將書卷鎔浮氣定有張郎入夢雲

誠齋先生春雨亭記云春雨潤木自葉流根物以
本滋苗亦以苗滋本蓋謂子孫之當顧祖也斯堂
與先隴雲影相望一葦可航乃者修葺旣成將命

研堂詩晚囊卷二

三

季兒分居於此管領屬丁晨夕省視以保南邱之
拱木而讀書於草廬焉故襲先生之所以名亭者
以名斯堂子子孫孫庶幾劬學好修而綿其自葉
之澤則奉先生之教即爲善體予之心也夫

戲寄龔秋崖用元旦自賀韻

可憶聯吟廿載前天涯各一孰成仙同庚不是同年貴

雌甲原知不序年

龔與予同月生而後十七日年四十時
共結醉吟尋占黔中鄉薦籍久無音問

乙巳上巳日做修楔故事招醉吟舊游呂尚綸
釋庶菴合祀陶李白蘇四先生於東田別墅踐

風約也在座適合九人之數復成勝舉八人以
羣賢畢至少長咸集拈韻各體分賦予以蘭亭

辭賦身爲韻賦五古二章

時與者王石人林萼庭張
古邨兒子顥燦劉甥全業

得長字

良辰集如蘭依然話歲寒仰止岡萬仞晉唐宋四賢宿
諾我心恣牽事人蹤散叶平聲廣陵音寥寥爨劇可憐聊
將一瓣香接踵千載前

亭字

乘此山陰楔光我池上亭桃李蹊漸熟麥浪連天青興

研堂詩晚臺卷二

三

飛十韻就愁銷百壺傾忘形坐參差爾汝醉先生誰言
近夕暉能趣遊人行

得長字

古邨工書善飲而不
論諸衆客屬子代補

驚羣千古風流蘭會一時清賞當年若遇四賢觴詠不
知誰長

劉靈拚殉酒名盤谷從君同往牡丹已放多枝芍藥花
鬢旋長

附
得羣字

堂上呼陪祀人間許樂羣鳥聲新睨睨香氣夙網緝

詩祖千秋在山陰曠代聞有才皆擊鉢無筆不書裙
五斗驚筵卓一乘醒世慙林花隨意賞庭草共人欣
促席邀弦月行歌泥去夕曛平生愧牆面竭蹶附凌
雲

附
得少字

燦

趨庭久曠違吟眺

宿疾未痊

強起追陪迎色笑倚榜雲看

隴上閒抽帆日愛谿邊照筵開春徑雨花飛韻爽西
山霞壁峭陶令今朝飲伴多凝之是日幽情肖學書
敢望換鶯經醜酒猶欣聽鳳嘯賺得紛紛說列仙獨

研堂詩晚堂卷二

三

慙村婦猜年少

答客止吟次香山醉吟韻

敢云發憤不知饑除却吟哦一切遺雞唱獨興神王處
燈花猶醒眼昏時呼僮後至還生躁曳杖前行已笑遲
足疾雖愈每苦地濕多謝故人珍重意從今健飯莫工詩

指研示孫書謨

此研不輕傳傳汝望承前好用如椽筆洋洋灑大篇

新製道服成用香山製綾襖韻

別樣縫人特作去成披如毳暖與絺輕稱身雅便窻前

倚露足偏宜陌上行
略揀堅牢從異地
何須童叟盡知名
黃條好配文俱闇
赤鳥無妨色共明
步月飄飄閒寄暢
臨風婁叟老多情
莫疑仙謫蓬萊狀
還叶人歸沂水聲
三教精微同物外
忘懷奚必論鄉城

次淵明桃花源韻

山深即仙居可到
還人世紛紛辯桃源
一付流水逝寓境
發幽情盡信書可廢
千古高尚士得所
便當憩荷鋤分五穀
援筆漱六藝倦縱華胥遊
酣逋醉鄉稅長嘯
猿應聲行吟犬不吠
垣籬量力闢器物
隨時製嘉客任往來
俗子莫輕詣入座
春風融聽言秋霜厲
神閒氣自完其壽不知歲
允矣鈍永年嗤彼逞
早慧能叅五源訣
何必超上界奇遭本
適然留意輒成蔽
沮溺終人羣箕穎非塵外
誰爲大覺仙我心有真契

聯句

乙巳端二日偕素心攜子姓駕小艇載酒插榴

花遣興與東田一帶因過別墅檢書得宋興國間

是日觀稼觀漁故事喜即景有此遂以爲題聯

句凡十七韻

研堂詩拾遺

山行作

不識桃源路來探境漸佳
狂飈欹籜帽峻嶺破芒屨
曳杖行還止浮蹤動每乖
漁樵應有伴長與共生涯

村居晚眺

開簾欣雨霽煙火隔林微
一徑牛羊入孤村桑柘稀
長天連遠水積霧塞巖扉
彷彿聞人語溪南種樹歸

桑女

桑女出房櫳褰裳度水東
釧聲時出樹香氣午臨風競

研堂詩拾遺

附晚集

一

採須盈把爭歸欲滿籠
獨憐歌舞處誰與我心同

題大父抱膝授經圖追步自題原韻

壬午

卅載音容何所如依然抱膝注蟲魚
考槃自是風人軸勇退能參老氏書
少小受經憐鵠峙蹉跎遊學歎鶉居
不才空負飛揚望只合伊吾守故廬

句曲紀事

癸巳二月 萬壽科 試攜燦兒寓李氏作

黃鳥驚春語乍清鞭絲遙指古容城
裝停竹徑何須主

地認仙標不問名

近張三 丰遺跡

隔院疎香期後會

偕友過施氏訪 梅主人不值

遠

山暄照卜長晴吾儕是處貪佳兆
座上文星大有情

見梓 檀像

清明日山左客舍

乙亥

旅館良辰風景淒青青柳色望中迷此間絕唱無崔顥
只爲離愁不忍題

題梁谿周文生

復畫舛

千鈞筆掃幹千尋鳳影聯翩擺月陰多少長安來往客
何人識得歲寒心

過曹渭符

曰瑛

內城賜宅見示謝恩詩敬和原

韻奉贈

巳卯

賜第榮分上殿輿新晴沾露到新居未窺秘閣然藜境

研堂詩拾遺

附晚葉

又一

先看遷鶯載乘書朝散詢奇原有本宣和灑翰定無虛
羨君兄弟承清切縱是郊祁恐不如

令弟名曰瑋以武
殿元同在禁近

放歌

我聞蓋世奇男子微時亦是無名士一朝拜作公與侯
誰敢當前還仰視鈞渭耕莘是我師草茅何日得乘時
若能識取耕釣意何妨白首無相知遙思昂首青雲上
鳳闕龍樓屹相向胷中得失幾縈迴爭似歸來好閒放
寄語天下勿奔趨身心自有真驪珠有酒與君且痛飲
東隅失却收桑榆

金環詞

丁亥

人天恨事何時了，瑤脆雲銷未足道。

上聲韻書向以道言之，道屬去聲。今按杜雨過蘇端

末句撥棄不擬，道却是上聲。

天產黃金質，本堅製就環。今轉難保，昔時在

鑛，無人識。溷處泥沙，誰揀出。十年蕘久不生衣，百煉剛

存可從革。幸遇良工，心獨苦，追之成器，非凡伍。鎔作輕

條，纍作絲，容易從心手。如組明珠嵌空。

去

翠黏莖，月未

全弓內，抱情一朝得薦充耳飾。搖曳風前，識者矜妝臺

置此真堪寶。貯以文奩，裹以縞，驚然開翫，却依依。旦暮

隨身期共老。竭來沒去，恍飛塵，疑似花間化蝶羣。又訝

研堂詩拾遺

附晚索

二

黃衣脫陳舍，豈同負笈索侯君。慙慙尋覓忘昏曉，角枕

孤衾思渺渺。夢魂拚殉，攬光輝，挽住流蘇，驚復杳。花鈿

寶髻玉搔頭，滿篋盈箱，詎足侔有缺。象天何計補無端

如帶一團愁。春遊自此明璫厭，秋賞從今響珮休。燕去

雁來時，可復環兮一往，向誰求。

八月看燈歌

鄉風作底繁華極，轉換流年好時節。秋宵勝比春宵多

銀樹斂却銀蟾色，兒童撾鼓喧無期。粉黛遊橋足不支

吾謂好事真得已，天上清光儘可喜。人言此舉實壯夫

我生不樂胡爲乎

題庶菴拈花圖

合寫佛手
薔薇二種

佛手何似我手凡花即是佛花莫辨春華秋實一時笑
殺罪耶

與從弟紫庭

乙未五月紫庭四十索詩用
大父集中紀年句起并次韻

荷渠搖動石榴風却繼靈辰此月中

謂與祖
誕同月

奉母新盤家

果熟抱兒吉夢小衫紅

尚未
有子

任他桃李春先夏收得桑榆

西復東務本堂

公祠
堂額

前酬酢地又看蒼鬚一髯翁

其髯
並子

九月望日庭桂始放邀吳昭武兄與王石人林

研堂詩拾遺

附曉棗

三

萼庭呂梧坪諸君共飲有感

以下
乙巳

不見黃華節已過晚香叢引蝶蜂和兩人相對鬚眉改

卅載離羣笑語多

昭兄業師次君
也因館契濶

氣合何分新舊識情深同

發古今歌却愁金粟飄零易青女將臨奈若何

感虞山舊游諸公兼與陳蘭谷二首

琴川自昔有幽人載酒攜琴嘯白雲

戊寅
夏事

惆悵故交零落

後不圖吾地轉逢君

蘭谷流寓
吾常有年

小兒造化憑誰手人敘天工自不同范老當年發良願

那知都在一瓠中

伎善種痘因
索題照及之

乙巳子月七日爲予六十初度鬚髮枯白閉戶
蕭然恐親知未諒鄙懷賦此預謝而山妻來歲
夾花甲屆期矣因疊韻誌幸兼以相慰二首

如今不是夢中人已過二千二百旬敢勞珠履生輝容

漫學香山自詠身齒豁嘲風殊覺短腹便平攤飯恐嫌

貧只餘象勺童孫喜玉兔秋光筆有神

書謔發
軼舉業

細君同父十餘人屈指零丁少六旬胡意中年多病婦

翻成老健不彫身子逾陶氏何勝責有子
六人孫倍徐兒或未

貧孫四
人從此安眠惟一醉山妻頗
能飲莫教佞佛更勞神

研堂詩拾遺 附曉樂

四

新隸陽湖籍作

祖家陽湖濱安陽山
近陽湖今住陽湖邑山水宿緣深隨處洗塵

習

六月二十四日祀漢壽亭侯

令子生辰誤作侯鼎牲千載總悠悠予私特正今朝祀

筠廊二筆有根由

宋漫堂先生筠廊二筆有錢塘馮山公景記康熙戊午解州常平士于昌夢
侯授易碑二字從濬井得巨輒紀侯祖考諱字生卒甚悉因求得墓道奔告

州牧朱旦且撰侯祖墓碑載侯考於桓帝延熹三年庚子六月二十四日生
侯侯長娶胡氏於靈帝光和元年戊午五月十三日子平世俗以此日為

侯誕豈曩有斷碑模糊遂致謫謬耶予為
正其日而祀焉更表而出之以附山公

題觀瀾上人遺像

者箇老人善觀水風行水面禪心止圓戒修持在法華
鏡肩中葉撐頽圮地重蘇公椽筆留門額法華院
蘇文忠留題名流瞻
仰常千里今朝圖像是上林許可園侍御
題此三字百代兒孫猶興

起

題庶菴抱樹圖道照

庶公其庶乎靜悟工夫到為君進一言幸勿偶逐鬧梅
檀本無樹何必殷勤抱韻書皆以抱字屬上聲正字通鋪告切又云經
史皆有去聲引包誥之保抱儒行之抱義大雅

之抱子本音
暴非上聲也

研堂詩拾遺

附晚菴

各四

附集句

代內子訓內嫂孫大夫人三首 甲申重九後

箭漏日初短 錢起 春餘幾許時 韓愈 穀雨時曾過寒舍 高軒雖暫駐 何仲多

別自堪悲 盧綸 雨過蒼苔院 韓偓 風搖青玉枝 劉禹錫 閒吟秋景

外司空 圖 何處最相思 司空曙

詩語入秋高 張籍 翛然散鬱陶 劉禹錫 自憐非博物 錢起 却似反

離騷 錢起 更取君書讀 顧况 近示養生之法 方知人事勞 盧照鄰 悠揚綠蘿

影 顧况 風景屬吾曹 劉禹錫

大海從魚躍 元覽 浮生正似萍 錢起 何時一樽酒 杜甫 共到百

研堂詩拾遺 附晚棠

花亭 朱慶餘 啓籥問仙訣 儲光義 焚香禮斗星 馬戴 莫言時節過 錢起

珍重草青青 司空圖

續 蒲菴庶公以康熙丁未閏四月廿四日生常年

罕逢正誕今雍正乙卯恰過年已六十有九同

會相約為壽予集一律寄贈 時子容湖山

吾師道與佛相應 白居易 佛誕在四月八日故云 今歲何長來歲遲 李賀閏月樂詞

歡喜因中無量壽 金滄歸 工夫深處獨心知 陸游 閒於石壁題

新句 釋寒山 折取山櫻寄一枝 皮日休 猶是清和好時節 韋莊 年年

高會趁花時 司空圖

研堂歌

潘長卿

我昨經過興賢里訪友逕造研堂中研堂我友讀書處
牙籤插架萬卷充筆牀茶具盡楚楚庭花砌樹俱蔥蔥
憶昔曾過隔十載案頭鉛槧依然在新詩富有卷帙增
觸手便成色五采命題寓意各有宜縱橫變化復離奇
古格豪宕不拘束近體熨貼諧墳簾動作似詭怪按律
皆循途或如乘風舸或如掉尾魚或如馬鼓鬣或如龍
探珠令我拍雙手令我聳兩肩令我曾次豁令我老眼
明叶令我慰飢渴令我忘倦眠君問我年今幾何屈指

贈言

附晚葉

一

八十只欠一此身猶是前朝生歲在癸未臘月十三日
頭童齒齷固可厭胸中磊落氣旋折君年花甲雖未週
兩鬢修髯半霜雪何意數載一相逢喜極翻成淚嗚咽
我思五倫內朋友亦一類古來結交詩惟有盧同與馬
異盧同未必同馬異亦不異兩人相和鳴詼諧無不至
如君與我亦是結交者焉能碌碌居人下誰謂古今人
不同後有潘楊前盧馬子衰我老摠不恨但願有酒旨
且多年年相見飽吃飯無奈此老強健何

康熙辛丑十一月

素堂記

王虛亭

鑄

道從同位從異同者亘萬世不能變異則即一人之身少而壯壯而老有莫能齊一者此所謂命也命與道不相比而道與位實相乘故循其位之所宜而理愜心安君子之所以自得也違其位之所宜而行險僥倖小人之所以怨尤也自得爲終身受用怨尤爲墮落關頭非知道君子孰能辨之吾友晉陵楊君地臣胚胎前光潛心味道壯而求友四方以輔其志所願豈直在富貴哉洎老不得志而著書滿家發言成詩閱麗典雅真率古

贈言

附晚菴

二

澹並擅其能旣以此自樂又以遺其子孫使無忘先業蓋篤於道而恬於命者也迺者背城小築引流種樹以耕以釣日挾冊行哦其中於此管領物華消遣世慮陶寫天真而以素名其堂亦曰居易而不願外云耳夫君子之道有體有用通身與世爲一亦通身與子孫爲一豈曰吾不爲而遂無爲之之時也哉知此則得無歆羨失無怨尤恬焉適焉因時順應無泥古人無累後人其道變而不失其常其心安而無所不足是則僕與君之所以相視而笑莫逆於心也可概爲外人道哉

康熙壬午夏
重九日記

書素堂記後

邵從園曾訓

素堂先生與予家相距纔百里木識面時聞先生負才
氣倜儻精悍視世事無不可爲及壬寅秋杪相遇江上
蕭寺出松江王虛亭所作素堂記示予并屬書二可泉
三大字置堂側之池上聽其言論竟已超然塵網外矣
今夏予過訪正競渡先生不混俗遊招諸詩伯及予放
舟抵東田別墅始得登所謂素堂者啜茗論文酒酣扶
策散步碧天池畔引泉濯足看竹據梧啜梅實數十箇
樂甚予乃喟然曰世之人亦知先生以素名堂之意乎

贈言

附晚棠

三

人苦無遠識日逐逐焉徼幸不可必得之富貴以誇耀
鄉里一旦觸危機落陷窞而不得脫仰視素堂之樂且
不啻在天上善夫王子之記有曰篤於道而恬於命其
心安無所不足若先生者耳目間有幾人哉雍正乙巳
秋八月三日書

素堂先生與予家相距纔百里木識面時聞先生負才
氣倜儻精悍視世事無不可爲及壬寅秋杪相遇江上
蕭寺出松江王虛亭所作素堂記示予并屬書二可泉
三大字置堂側之池上聽其言論竟已超然塵網外矣
今夏予過訪正競渡先生不混俗遊招諸詩伯及予放
舟抵東田別墅始得登所謂素堂者啜茗論文酒酣扶
策散步碧天池畔引泉濯足看竹據梧啜梅實數十箇
樂甚予乃喟然曰世之人亦知先生以素名堂之意乎

書素堂居士晚稿後

相澹圃為炳

僕射陽潦倒人也所以得交居士者緣庚子秋居士來白門視其令嗣就試撤棘後各覓書畫於市維時熙來攘往渺不相屬而居士博帶虬髯舉止傲岸儼然如鶴立雞羣望而知為偉人也已而挹其丰采叩其言論萍水一晤歡若平生是時八月既望遂訂燕磯看月之約及抵暮泊舟磯下第見萬頃澄波一天皎月烟水茫茫竟不知居士之舟或前或後也僕是夜不寐踞坐蓬窻口占一律置諸笥中閱四寒暑矣會癸卯清和復有試

贈言

附晚稿

四

事而居士不果來省屬長君以研堂前集并相逢行寄贈乃知山川雖阻居士之心何嘗一日忘鄙人哉奈匆匆返棹未及賦懷僅將燕磯一作縵寫寄達聊抒積愫已爾是歲十月攜兒子丞保試暨陽準擬造謁又以夜過毘陵失訪高齋試已獨稅小艇艤棹過訪詢諸里人僉曰邇來居士杜門謝客屏絕交遊且聞城東新構山莊日吟嘯其中恐先生此來未易一見耳僕心竊疑之及剝啄松門而歌詠之聲達於戶外且喜居士未嘗他適既而出見握手登堂掀髯大笑相得如初恐平里范

張未敵此良晤也是夕具盤餐出樽酒相與慰勞風塵
劇談往事永夕不倦因出其所爲晚橐示僕乃比年以
來山居紀事之作而格詩尤多和陶其意蓋深遠矣且
謂僕曰余城東去郊十里別墅落成將學稼於此明日
買舟同往作數日歡何如僕以久客江南歸心孔亟信
宿告辭俾輞川風月鄧尉梅花卒難親歷其境山水綠
湄未免愀然不適然山陰有興載酒重來應未晚也謹
敘數言兼系小詩置諸卷後以識嘉會云雍正元年十

一月四日

贈言

附晚橐

五

滄江白鴈飛野水蒼葭冷旅館久淹留懷人發深省翹
首望蘭陵良朋夙所景瑟瑟曉風嚴江干維舫艤剝啄
啓荆扉登堂亦何幸別來四春秋鬢髮白如縷回首秣
陵秋訂交借杯茗匆匆掛席去蹤跡類萍梗聚散本無
常逢君拚酌酹抹眼讀君詩剔盡寒燈檠叶交遊繼范
張素志懷箕穎城東別墅開不數桃源境未得同君遊

歸心徒耿耿

未識此身却出吳吳吳豈與出對醉臥與綠鬢風飄

素堂偶筆引

呂梧坪廷鶴

夫大塊噫氣萬竅怒呿調調琴瑟倏忽變化無所不入及其訕然而止如未嘗有何者造化無心焉猝有所觸不必然不必不然則偶然云爾人之寓形於宇內夫非偶然乎哉而况人之文辭非偶然中之偶然乎哉下士不悟役心於當世窮通死生得喪之途據其偶然之有以為有悵其偶然之無以為無而形而為言大都多所係戀或無聊感憤刺刺不能休是不啻夢者之呻吟於五夜而未覺也素堂曰一息偶也百年偶也千古亦偶

贈言

附晚集

六

也吾偶生於今而為吾祖吾父之子孫為吾子吾孫之祖父而偶坐此亭而偶憩此齋有所觸偶然而書之名之曰偶筆此其寄情高曠故出語超詣隱君子耶仙耶佛耶殆將磅礴萬物塵垢粃糠孰敞敞焉以筆墨為事而望者則已自崖而返矣若猶以世俗淺見測之是猶斥鷃飛搶榆枋沾沾自得而不知搏扶搖羊角而土者固已絕雲氣負青天而適南溟也

素堂六十紀年和韻詩

呂梧坪廷鵠

春風披拂到堦前
花國悠然著散仙
酒琖詩筒任驅使
此中真樂已忘年

長安卅載倦游蹤
堪笑時人盡冶容
高築元亭辭剝啄
偶然知己一相逢

別墅春深好耦耕
閒身真得遂閒情
幅巾草履東田路
柳岸梅蹊曳杖行

古腴詩品追陶令
瀟灑人家似灑東
逸興未衰筋力健
尚堪攔入少年叢

贈言

附晚稟

七

又

記得長安講席前

先生昔年受業於
先大父學士公

飄飄氣槩欲凌仙
升沉

白眼歸來後不覺韶光已卅年

三徑遙開二仲蹤
通門後學頗能容
只緣萍梗煙波隔
懷想高風不數逢

聞道柴桑老隱耕
其如霖雨拂初情
先生自有孔顏樂
豈作猿驚鶴怨行

春夜飛觴傳研北
荀龍會食倍河東
請將嘉祐星精狀
圖入香山九老叢

詩香又

王石人家柱

青蓮標格久空前此日何期邁謫仙幸聽鈞天敢掩耳
同聲依永自年年

絕無點跡落塵蹤只與梅花並玉容風信一番春漸好
恰教七日得奇逢

萬頃煙雲儘足耕蕭然自負野人情看來濟濟冠裳客
應讓先生穩步行

才子未須誇鄴下文名誰復擅江東素堂無限風流在
突過千秋錦繡叢

贈言

附晚集

八

突過千秋

梁駱

秦耕獲

弘

不羨笙歌綺席前何須巨棗進神仙只今椒酒頻頻祝
自有春秋幾百年

東山丰采契高蹤春到光增舊日容最喜玩辰人日是
稱觴剪綵恰相逢

一犁烟雨足春耕買地棲遲愜雅情休問市朝勞攘事
肯拋書卷掉頭行

寸心縹緲蘭陵北佳句流傳震澤東願效南山歌一闋
梅花香裏綠陰叢

又

重甥

劉克勤全業

聲名自昔在盧前首祚新詩句似仙
幾樹梅花百壺酒逍遙忘却
是耆年

新昌開讌久追蹤人日稱觥盡
婉容豈是司天巧作合高賢
端合有奇逢

收拾經綸付耦耕蒼松氣節鶴
心情輕身却杖還乘興儘向
春山好處行

愛客何分牀上下避囂那管路
西東只今天樂誰能似繞砌
蘭芽簇簇叢

贈言

附晚藁

九

又

釋庶菴仁杲

棋局曾叅一著前閒雲飛舞十
洲仙那知花國春偏蚤折得
南枝好紀年

蒼徑頻開引鹿蹤葺花小草淡
春容等閒相見人如舊無限
平懷取次逢

晴窻約略聽催耕茗椀爐薰物
外情列坐不妨忘主客青山
重訂踏春行

天涯引領多岐路馬齒差池吾
道東尊菴長一飽飫清齋頌人

日借看鐵杖鏤金叢

又以下
續和

薛未學春榮

花國居然閬苑前，前身疑是太虛仙。不圖龍洞春遊日，

唐楊太虛得道於葦頭山，龍洞眉州士女每以人日遊此。

巧合千支嶽降年。

聞道年來狎隱蹤，幽人操履古儀容。遂令多少紅塵客，

日叩元亭總未逢。

郊原昨夜已春耕，鋤月犁雲正有情。為是研堂新句好，

幾番訪棹欲從行。

湖山相望白雲通，喜得詩郵旭甫東。一曲巴詞堪絕倒，

吟壇今闢幾蠶叢。

贈言

附晚臺

十

又

宗弟

子仁在庭

未及躬逢瑤席前，題詩幸得繼羣仙。只今矍鑠還如少，

當日誰知耳順年。

黃綺高風孰比蹤，悠然杖履自從容。家人椒酒先為壽，

長至移來歲首逢。

城市山林似隱耕，杜門謝客有深情。香山若續聯吟會，

擬託埧簾可許行。

巧合千支嶽降年

遂初書卷風惟舊，別墅新開徑復東。蓬廬也屬東溪路，

載酒遙瞻松桂叢。

燭影搖紅 并書後

林萼庭 材

瀟灑襟懷東田酷似山陰道一溪煙柳小橋橫披拂綸
中傲翠竹綠梅影搖 叶 碧天池圍鬪月照吟編常把釣
縷時牽臨風高嘯 還愛先巢新春花國鶯聲報逍遙
閒步鳳亭前人日元辰巧寶炬金尊互耀舞萊衣蘭芽
尤妙雲璈飄渺閨苑神仙塵寰誰傲

歲乙巳素堂先生花甲一週其皇覽之辰實子月
七日也適歲首人日恰值丙午諸郎君率屬丁為
祀壽星祝釐即用稱觴同人咸集賦詩僕不敏勉

贈言

附晚藁

十一

填此闕奉贈以博滿堂之一笑云



